



**Javna ustanova Srednja ugostiteljsko-turistička škola
Public institution Secondary school of hospitality and tourism**

Na osnovu člana 151. Zakona o srednjem obrazovanju ("Službene novine Kantona Sarajevo" broj: 23/17; 30/19 i 33/21), u skladu sa članovima 137. i 140. Pravila Javne ustanove Srednja ugostiteljsko turistička škola Sarajevo, vršilac dužnosti direktora škole, raspisuje

**INTERNI OGLAS
za izbor pomoćnika vršioca dužnosti direktora**

Interni oglas za izbor pomoćnika vršioca dužnosti direktora Javne ustanove Srednja ugostiteljsko-turistička škola Sarajevo raspisuje se na period imenovanja vršioca dužnosti direktora, a najkasnije do 12.03.2022. godine.

I USLOVI ZA IZBOR

Kandidat za pomoćnika dužan je ispunjavati slijedeće uslove:

1. Opći uslovi:

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (na nivou države, entiteta, kantona) u periodu od tri godine prije dana prijave na Interni oglas,*
- b) da se na njega ne odnosi odredba člana IX 1. Ustava Bosne i Hercegovine,*
- c) da nije osuđivan za krivično djelo i za privredni prestup nespojiv sa obavljanjem dužnosti pomoćnika,*
- d) da nema privatni finansijski interes u Javnoj ustanovi Srednja ugostiteljsko-turistička škola Sarajevo.*

2. Posebni uslovi:

- a) da u pogledu stručne spreme ispunjava uslove za nastavnika ili pedagoga u školi,*
- b) da ima najmanje 8 (osam) godina radnog iskustva i od toga najmanje 5 (pet) godina na poslovima u nastavi ili na pedagoško-psihološkim poslovima u stepenu stručne spreme koja se traži za radno mjesto,*
- c) da ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa,*
- d) da ima najmanje stečeno stručno zvanje mentora.*

Za pomoćnika ne može biti imenovano:

- a) lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine, Zakonom o ministarskim, vladinim i drugim imenovanjima Federacije Bosne i Hercegovine,*
- b) lice za koje se odgovarajućom medicinskom procedurom utvrdi da je alkoholičar, odnosno ovisnik o narkoticima,*

- c) lice za koje se odgovarajućom medicinskom procedurom utvrdi da boluje od zarazne ili duševne bolesti,
- d) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više.

II SADRŽAJ PRIJAVE

Uz prijavu na Interni oglas, kandidati su dužni dostaviti original ili ovjerene kopije slijedeće dokumentacije:

- 1. Svojeručno potpisanu prijavu na Interni oglas sa kontakt podacima i tačno navedenom dokumentacijom koja se prilaže uz prijavu na oglas;*
- 2. Biografiju;*
- 3. Diplomu o stečenoj stručnoj spremi;*
- 4. Uvjerenje o položenom stručnom ispitu;*
- 5. Izvod iz matične knjige rođenih;*
- 6. Uvjerenje o državljanstvu (ne starije od 6 mjeseci);*
- 7. Dokaz o stečenom stručnom zvanju;*
- 8. Dokaz o radnom iskustvu koje podrazumijeva rad u nastavi sa VII stepenom stručne spreme, odnosno završenim II ciklusom bolonjskog visokoobrazovnog procesa (uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko-invalidsko osiguranje ili uvjerenje/potvrda o ostvarenom radnom stažu kod poslodavca kod kojeg je kandidat radio sa tačno naznačenim poslovima, radnim zadacima, te godinama i mjesecima radnog staža);*
- 9. Izjavu kandidata da nije obuhvaćen odredbama člana IX 1. Ustava Bosne i Hercegovine, ovjerenu od strane nadležnog organa;*
- 10. Izjavu kandidata da u posljednje tri godine, prije dana objavljivanja ovog Internog oglasa, nije otpušten iz organa državne službe kao rezultat disciplinske mjere na bilo kojem nivou vlasti u Bosni i Hercegovini, ovjerenu od strane nadležnog organa;*
- 11. Izjavu kandidata da nema privatni finansijski interes u Javnoj ustanovi Srednja ugostiteljsko-turistička škola Sarajevo, ovjerenu od strane nadležnog organa;*
- 12. Izjavu kandidata da nema smetnji za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine i Zakonom o ministarskim, vladinim i drugim imenovanjima u Federaciji Bosne i Hercegovine, ovjerenu od strane nadležnog organa.*

III DOSTAVA PRIJAVE I DOKAZA O ISPUNJENOSTI USLOVA

Prijavu sa dokazima kandidati dostavljaju putem pošte prepuručeno na adresu: Javna ustanova Srednja ugostiteljsko-turistička škola Sarajevo, ulica Dugi sokak broj 9, 71000 Sarajevo, ili lično u Sekretarijatu Škole, u zatvorenoj koverti sa naznakom: „Prijava na Interni oglas za izbor pomoćnika vršioca dužnosti direktora – Ne otvaraj – (otvara Komisija)“.

Prijave kandidata otvara Komisija koju formira v.d. direktor, a koja sačinjava Zapisnik o prijavljenim kandidatima i dostavlja v.d.direktoru na dalje postupanje.

Nepotpune i neblagovremene prijave neće se uzeti u razmatranje.

IV NAČIN I ROK OBAVJEŠTAVANJA

O rezultatima će prijavljeni kandidati biti obaviješteni nakon provedenog postupka, pisano, putem pošte, na adresu navedenu u prijavi, u roku od 8 (osam) dana od dana donošenja odluke o imenovanju pomoćnika v.d. direktora.

V OGLASNI ROK

Interni oglas ostaje otvoren četrnaest (14) dana od dana objavljivanja na oglasnim pločama i internet stranici Škole, zaključno sa danom 05.01.2022. godine.

NAPOMENA:

Pomoćnika direktora nakon obavljenog intervjua imenuje i razrješava vršilac dužnosti direktora Javne ustanove Srednja ugostiteljsko-turistička škola Sarajevo na period imenovanja vršioca dužnosti direktora, odnosno najdalje do 12.03.2022. godine, uz obavezu potvrđivanja mandata ili provođenja nove procedure za svaki naredni mandat direktora i sa mogućnošću ponovnog izbora, uz ograničenje od najviše dva uzastopna mandata u istoj školi.

Izabrani kandidat će, po izboru, a prije imenovanja pomoćnika vršioca dužnosti direktora ove Javne ustanove, biti u obavezi dostaviti ljekarsko uvjerenje (ne starije od šest mjeseci), uvjerenje da protiv kandidata nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona u Federaciji Bosne i Hercegovine može izreći kazna zatvora u trajanju od 3 mjeseca i više (ne starije od 3 mjeseca) i ovjerenu izjavu kod nadležnog organa da ispunjava uslove utvrđene članom 146. stav (12) tačke a) i b) Zakona o srednjem obrazovanju („Službene novine Kantona Sarajevo“ broj: 23/17; 30/19 i 33/21).

Izrazi koji se koriste u ovom oglasu, a imaju rodno značenje, odnose se jednako na muški i na ženski rod.

V.D. Direktor

Ensar Kokor

Sarajevo, 22.12.2021. godine